

□



Future-proofing our children

Pre-Sunday School Class

Setlhogo

Jeso o fodisa balepero ba lesome

A Mokaedi wa batsadi
Sekolo sa Tshipi ithutelo lapeng



Go Motsadi

O amogelesegile mo “**Jeso o fodisa balepero ba lesome**” Thuto ya sekolo sa tshipi.

Mokwalo o o go fa thutuntsho e potlana gore o ka ruta jang thuto e.

O ka ipaakanya le go ruta thuto e jang

Fa tlase ke maele a go ipaakanya le go ruta thuto e:

Kgato	Tiriso
1.	Etela maranyane a New Apostolic Church Website ka go tobetsa seele se se latelang mo maranyaneng a gago a WhatsApp: https://bit.ly/3NACSSHS
2.	Kgobokanya di dirisiwa tse di latelang go netefatsa fa o ipaakanyeditse thuto e: • Baebele • Mokwalo wa thuto wa PDF o o setseng o baakantswe. • Pena, metako le lekwalo la ngwana, etc. • Setshwantsho sa motshikhinyego se se leng thuso e nngwe • Katakasima le Dipotso le dikgarabo (bogolo jang mo batlhomamisiweng) Ela tlhoko: 2.1: Nako e siametseng go ruta ke maphakela a sontaga morago ga tirelo ya tshipi, go tsamaelana le lenaneo la malatsi otlhe a sekolo sa tshipi, go tswaledisa lenaneo. 2.2: Ka tswe-tswe dira thuto e nne khutshwane , o etse tlhoko gore bana ba reeditse ka kelelelo – o itse ngwana wag ago botoka! <i>Tirelo ya sekolo sa tshipi ga e hete metsotso e 45 .</i> 2.3: Thuto e lebaganye (Batlhomamisiwa 1). 2.4: O ka kopa thuso mo morutabana wa gago wa batlhomamisiwa fa o tlhoka thuso.
3.	Rapela (Bona thapelo ko bofelelong jwa thuto e) O kope Modimo go go thusa go ruta ka tsela e a eletsang re ka e ruta ka teng.
4.	Dira seemo se se siameng, se se senang dikgoreletsi se wena le bana/ngwana le leng fa go tshwanang. Sekai: Nnang mo tafoleng kana phate.
5.	Bala thuto. E bale gape gore o e tlhaloganye. Lebelela setshwantsho sa motshikhinyego go re o tlhaloganye botoka.



6.	Kwala dintlha tse o batlang go di gakologelwa.
----	--

Go ruta thuto ya sekolo sa tshipi mo lapeng

O ka ipaakanya le go ruta thuto e jang

Re tswela ka go abalana maele a go ipaakanya le go ruta thuto e:

Kgato	Tiriso
7.	Tlhaloganya maikaelelo a thuto a e leng gore ngwana wa gago o tshwanetse go a gakologelwa.
8.	Ruta ngwana wa gago thuto jaaka polelo, o ka nna wa bala.
9.	Supegetsa ngwana wa gago setshwantso sa motshikinyego mme o soboke molaetsa.
10.	Laela ngwana go dira tekeletso e mo lokwalong la gagwe la ikatiso
11.	Rapela, kana kopa ngwana wa gago go rapela go tswala thuto.

Di dirisiwa tse di leng teng go ithutela ko lapeng

Tse ke dingwe tsa di dirisiwa tse di ka thusang mo thutong:

1. WhatsApp, buisanyang le ba lelapa le lengwe ka thuto ya batlhomamisiwa 1.
2. Buisanyang ka thuto le batsadi ba bangwe go tsaya tlhaloso pele ga o ka ruta.
3. Gololesega go tlotlhomisa ka thuto e gore o nne le kitso e e oketsegileng
4. Itshwaraaganye le mogokaganyi wa sekolo sa tshipi kana morutabana wa Batlhomamisiwa 1 go go fa kitso e nngwe.





--



Thuto

Setlhogo	Jeso o fodisa balepero ba lesome
Lefoko la Baebela	Luke 17 vs 11-19
Maikaelelo a thuto	Bana ba tla ithuta gore Modimo o batla pelo e lebogang.

Polelo ke e:

Jeso o ne a le mo tseleng go ya Jerusalema. Fa ba tsena ka kgoro ya motse, ba kopana le banna ba le lesome ba ba lwalang thata.

Ba ne ba na le bolwetse ja lepero. Batho ba ba lwalang lepero ba ne ba nna le dintho mo mmeleng kana letlalo la bone le nna lesweu kafa tlase. Ka nako eo, bolwetse jwa teng bo ne bo tshelanwa, mo go rayang gore ba ne ba ka lwatsa ba bangwe. Ke ka moo ba neng ba sa letlelelwe go nna mo motseng.

Fa banna ba ba lwalang ba bona Jeso, bam o gowa ka mantswe a a ko godimo: "Jeso Morena re utlwele botlhoko!"

Jeso a ba leba mme a re: "Tsamayang le ye go itshupegetsa moruti." E ne e le tiro ya moruti go bona gore a motho yo o lwalang o babalesegile go tsena mo motseng. Fa ba ntse ba tsamaya ba lemoga fa ba fodile.

Fa mongwe wa bone a lemoga fa a fodile a bowela morago a galaletsa Modimo ka lentswe le legolo. A itatlhela fa dinaong tsa ga Jeso a mo leboga.

Morena Jeso a amega ka khutsafalo a mo raya a re: "A botlhe ka bolesome ba fodile? Ba bar obang bongwe ba kae? A ga go ope wa bone yo o boiling go tla go leboga Modimo le go mo galaletsa kwantle ga gago?"

Jeso a mo raya gape a re: "Ema o tsamaye, **tumelo ya gago e go fodisitse.**"





Thuto e e raya eng mo go rona tsatsi jeno?

Ka jalo bana, mo thutong ya tsatsi jeno re ithutile gore:

- Jeso o kgathalela mongwe le mongwe, Le fa o kabo o lwala mme o kobiwa ke ba bangwe
- Fa re kopa thuso ya Modimo, Re tshwanetse go latela melao ya gagwe mme re dumele gore o tla re thusa.
- Re tshwanetse go nna le tumelo ya gore Modimo o tla re thusa fa re kopa thuso.
- Fa re sena go amogela thuso ya gagwe, re tshwanetse go supa malebogo a rona mo go ene.
- Ditsela di dintsi tse re ka supang malebogo a rona mo go ene, sekai: mo thapelong ya rona ya malatsi otlhe, ka go tliša dikatso mo ntlung ya Modimo le go nna tshiamo go go ba bangwe.

Dipotso tse re ka di botsang:

Q: Bann aba ba lesome ba ne ba lwala eng fa ba kopana le Jeso?

A: *Ba ne ba lwala lepero, bolwetse jwa letlalo.*

Q: Banna ba ne ba kopa eng mo go Jeso?

A: *Ba kopile Jeso go ba fodisa. (tlhalosa gore Jeso o fodisitse batho ba le bantsi)*

Q: Fa ba sena go fodisiwa ke ba le kahe baba boileng go tla go mo leboga?

A: *A le mongwe.*

Q: Ke eng se se hapegileng ka monna yo mongwe yo?

A: *O supegeditse Jeso gore ka mmaaruri o a leboga.*

Q: Jeso o ne a hutsafatswa ke eng?

A: *Ka gore ba roba bongwe ga ba bowa. Bane ba sena malebogo. Ga re a tshwanela go tlhoka malebogo.*

Q: Jeso o ne a mo raya a reng?

A: *Ema o tsamaye, tumelo ya gago e go fodisitse."*

Q: Jeso o ne a raya jang fa a rialo?

A: *Monna yo neng a lwala o ne a na le tumelo le tshepho mo Modimong. Mme a tsamaya a fola.*



Dithapelo tsa rona

Thapelo ya ga Rre le Mme le pele ga thuto:

*Modimo o rategang, ke lebogela letsasti le
Segofatsa batsadi le bana botlhe
Mma re ikutlwele boleng teng jwa gago
Segofatsa thuto e re yang go e amogela
Re kopa o re rute go go direla
Re thuse go dira thato ya gago
Gore re golele gaufi le wena
Romela Jeso go tla go re tsaya
Mme re bo re ipaakanyeditse go mo kgatlhantsha
Amen*

Thapelo morago ga thuto:

Modimo Rara yo kwa legodimong, Ke lebogela go bo o re babaletse tsatsi jeno mme go sena kotsi e re diragaletseng fa re tshameka.
Re fe boroko jo bo siameng le letsatsi le lentle la kamoso.
Nthusa mo sekolong le gore ke nne tsala le ba bangwe e bile ke seka ka ba lwantsha.
Nna le mme le rre ka nako tsotlhe.
Segofatsa Mo Apostolo yo mogolo, Ba Apostolo le baruti botlhe o ba babalele fa ba ntse ba tsamaya.
Re kopa o thuse bana botlhe, bogolo jang ba ba lwalang. Tlaya ka pela o tle go re tseela gae. Ka leina la ga Jeso. Amen.